

欽定剿平三省邪匪方略

欽定剿平三省邪匪方略正編卷五十四 丁巳年

十月二十日 乙卯 明亮德楞泰恒瑞廣成奏言查

安康平利一帶數股竄匪先後由東西兩路分

竄前來總思牽制官兵乘間北竄江岸經 臣等

分投截擊賊匪俱在西南一帶往返逃竄 臣明

亮德楞泰所追一股由八卦廟向曾家壩逃遁

該處路逕紛歧初二日 臣明亮同興肇等帶兵

由西北山後抄出擊剿

臣

德楞泰同賽冲阿等

帶兵由東北山後抄出截殺約定兩路官兵行

至該處先在山後紮住察探賊人炊食歇息之

時出其不意同時並進已刺官兵甫到旋據哨

望兵丁稟報賊人分數股排列山前路口其餘

俱在山田民房內或搜採包穀或揀柴炊爨並

未聚集一處

臣

等各放號礮從山後壓下賊人

慌忙失措被殲二百餘名其排列路口之賊直  
前抗拒經吉林兵丁奮力擊射賊人抵敵不住  
反身疾走官兵追殺十餘里賊人俱向深林內  
竄逸該處林密山高路徑不甚可辨暫將官兵  
紮住次早會值雨雪遂獎勵各兵冒雪追至竹  
葉關地方斃賊三百餘人生擒四十一名訊係  
賊營戰手當卽分別斬梟餘匪俱向西南唐家

坪竄走

臣

恒瑞慶成等所剿一股自蔣家坪敗

竄後追向平利西南一帶官兵由蔣家坪取道

東河女仙山一帶緊跟兜擊初三日行至金竹

園地方探知賊人因遇雨雪在全山地方屯紮

卽率領巴圖魯侍衛等帶兵繞道抄出賊前攔

頭進剿并於兩面溝內選派鎗手設伏賊匪捨

死衝突官兵奮勇異常斃賊三百餘名該匪卽

翻山旁竄臣恒瑞等仍率兵力追賊人由白伾

溝一帶奔逸初五日竄至唐家坪地方與前股

賊匪會合適兩路官兵先後趕至賊匪狂奔向

豐溪一路逃遁該處爲陝楚川三省交匯之所

臣等惟有趁此機會趕緊兜剿再臣等接宜綿

來信稱方山坪賊首冉文儔等率其餘黨竄入

巴通境內與前由太平敗回之徐添德等合夥

以致巴州失守賊匪屯據州城復分股奔逃保  
寧廣元一帶囑臣等抽撥兵二三千名前往協

剿查保寧爲郡城重地廣元係入棧要道自應

撥兵速往應援前因方山坪賊匪竄近巴州與

漢中寧羌接壤曾經奏令惠齡率同富成帶兵

馳赴堵剿今惠齡一路官兵正在擊剿喫緊之

際未便移兵臣明亮德楞泰一路官兵亦難分

往若僅令將領等官帶兵二三千名往援又恐  
不能得力因思臣恒瑞慶成所剿股匪現已歸

併一處毋庸分路擊剿臣明亮德楞泰有兵九

千餘名尙敷剿辦索倫山東各兵猶可催調前

進臣恒瑞慶成原帶兵四千餘名擬卽由漢中

一路前進與宜綿兩面夾擊又派撥新到直隸

兵五百名令副將德忠隨同馳往惟查程途不



下二十餘站行走未能十分迅速

臣

等因先傳

知沿途聲言派撥數萬勁兵漏夜進發以安漢

中一帶民心俾賊匪聞風震懾至索倫各兵已

自襄陽啟行來營業經知會景安會同烏爾圖

那遜等督率由竹谿關垓一帶前來惟索倫各

兵全資馬力賊匪現竄路逕皆係崇山峻嶺羊

腸小道馬力殊難深待且山深早寒現已雨雪

交作路仄泥淤不能乘騎如以有用勁旅置之  
不得力之地陟險穿山致令疲乏轉爲非計計  
該官兵等此時不過至均房一帶莫若暫令在  
竹谿之保豐場地方駐紮以壯後路聲威預防  
賊匪折回楚省北竄江岸之路俟臣等緊追賊  
匪逼入一定去向卽行飛調前來應用則前後  
緩急皆有所恃奏入

上命軍機大臣傳諭明亮德楞泰恒瑞慶成英善烏爾圖那遜曰明亮等奏兩路官兵連日擊剿竄匪逼令歸併一夥及分兵應援川省籌布各路情形所辦尙合機宜其暫令索倫官兵在保豐場地方駐紮預防賊匪折回楚省北竄江岸之路所想亦是但景安現已帶兵一千名馳回楚豫交界防堵復令愛星阿帶領官兵二千名前往明亮等一路

策應所有黑龍江官兵著交與烏爾圖那遜圖桑  
阿帶領駐紮保豐場聽候隨時調用倘賊匪被剿  
緊急仍欲折回湖北邊外烏爾圖那遜等即可帶  
領迎頭截擊又據奏恒瑞慶成帶兵前往漢中一  
路所辦亦好漢中寧羌廣元一帶已有英善保興  
赴彼堵剿今又有恒瑞慶成帶兵四千名接續前  
往聲威更極壯盛伊二人現在行至何處如何剿

賊通巴賊匪曾否竄近廣元寧羌邊界英善如何  
帶兵迎擊賊匪現在竄奔何處是否折回通巴均  
著迅速覆奏

二十一日

丙辰

上命軍機大臣傳諭明亮德楞泰烏爾圖那遜曰昨  
明亮等奏因各兵俱到軍營楚北後路較單令黑  
龍江官兵暫留竹谿之保豐場駐紮固爲預防賊

匪折回起見但賊匪既向西南山內奔竄自係探  
聞勁兵接續到彼心懷畏懼未必敢再折回湖北  
卽再折回亦必由明亮左右經過且此項黑龍江  
勁旅素爲驍勇乃不以之打仗殺賊轉在後路閒  
駐豈非以有用之兵置之無用之地究屬非策白  
應仍調赴軍前及鋒而用卽使湖北邊界有需防  
守亦祇須酌量留駐儘足爲後路聲援不可將新

到勁兵全行置之閒地著烏爾圖那遜等卽行帶  
領迅往軍營剿賊至所稱賊匪現竄路徑皆係崇  
山小道騎馬官兵恐易疲乏一語尤屬非是黑龍  
江官兵皆生長山野能耐勞苦素以打牲爲業馳  
驟登陟是其所長况該處原有之兵與賊匪同係  
川楚百姓路徑自能熟悉何以賊能來去自如而  
兵丁一遇險阻遂不能登陟追躡無此情理豈或

帶兵大員不肯率先試險豈有兵丁等亦不能奮  
力先登明亮德楞泰二人先設此語以爲尾追地  
步大非屬望之意務須擴發天良倍加振作鼓勵  
官兵直前奮擊擒拏賊首斷不可以此藉口又復  
稽延

二十二日丁巳額勒登保福寧奏言臣等連日督

率巴圖魯侍衛將領等由馬折一帶覓道兩路



夾攻賊匪四散奔逃綸布春等率兵奮力截剿  
割獻首級甚多餘賊向蒿壩一路逃遁正在紮  
營暫駐接據總兵張廷彥稟報該鎮從板橋閭  
王坡追賊途次獲有逃出之張三兒年十四歲  
陳保年十二歲訊係從前林之華擄得跟隨日  
久昨林之華被官兵追至雪崖頂以下之大茅  
田中鎗墜馬而死臣等查前在雪崖頂四路殺

賊計有二千餘人因拏獲賊衆有林之華先逃  
之語刻卽督兵趕追未經詳認所殺之賊該鎮  
所稟是否確鑿亦難遽信

臣

等一面追賊一面

派令遊擊陸祖德千總楊永順帶同張三兒陳

保星夜前赴大茅田尋獲屍身

臣

等親訊張三

兒陳保據稱林之華在大茅田被鎗墜馬身死  
均屬眼見並稱林之華臉右有痣口上有一黑

瘡左臂有火藥轟燒傷疤一塊頭髮在城口子  
病落當將林之華屍身洗淨查驗皆與所供符  
合令在營之眼目識認的確其爲正兇無疑

臣

等卽令將該犯戮屍挫骨揚灰並將首級傳至  
長陽長樂巴東建始鶴峯恩施巫山等州縣凡  
其蹂躪之地俱飭地方官布告俾大小村落不  
安分之人倍加警懼良民盡皆歡喜

臣

等於初

五日追賊至恩施地界之蒿壩殺賊又有二百  
餘人附近居民知林之華已經伏誅無不人人  
稱快歡聲動地現在覃加耀與其敗殘餘孽亡  
命奔逃亦斷不能久稽時日臣等刻卽督同鎮  
將等鼓勵兵丁盡力兜截主張三兒陳保原係  
被擄且屬年幼尙知乘間逃出不甘與賊匪爲  
伍情尙可宥已交原籍地方官查明安插奏入

上命軍機大臣傳諭明亮額勒登保德楞泰福寧汪  
新曰林之華軍加糧在長陽長樂一帶往來滋擾  
額勒登保等剿辦一載有餘屢被突圍奔逸今因  
總兵張廷彥拏獲張三兒陳保訊出林之華前在  
大茅田地方中鎗身死不能生獲解京雖少一首  
逆究未愜意額勒登保等寧不自知羞愧今旣提  
訊張三兒陳保供認確切並傳在營眼目認識自

係確鑿無疑但該逆罪大惡極僅被鎗斃尙屬罪  
浮於法此時祇餘覃加耀一人與敗亡餘孽向蒿  
壩奔逃更屬勢孤力竭額勒登保等務當設法生  
擒解京處治

二十四日臣惠齡奏言臣等查探賊匪所竄之

處均離漢江不遠明欲將官兵引入山中卽乘  
間逸至江邊於水淺處偷渡是以臣同富成六

十七等亦於沿江一帶山內趕緊兜截十月初九日馳抵目連橋探知賊匪分爲兩股一在斑鳩關焚燒一在雙河塘滋擾意圖會合隨帶官兵連夜從金子梁翻山抄襲迎頭截剿初十日辰刻至金子梁山頂見山下烟霧迷漫綿亘十有餘里當卽帶兵分路下山行至雙河塘口見賊匪正在沿街四路放火六十七等帶領馬隊

官兵直前剿殺

臣

同富成帶領步隊繼進賊匪

搖旗吶喊直撲前來叅將穆克登布首先衝入

賊中射死執旗賊目一人官兵一擁而進殺賊

三百餘人巴圖魯侍衛塔什蘭亦射死執旗賊

目一人行營把總馬濟勝生擒騎馬賊目涂世

隆一名賊匪不能抗拒分竄西南大山六十七

同總兵銜穆維帶領官兵追往忽見西北溝內



卷三十三 三  
突出馬步賊匪三千餘人前來接應兇悍異常  
富成當卽帶兵迎截鎗打箭射賊仍圍繞不退  
富成激勵官兵奮勇剿殺並令遊擊太安都司  
郭承緒分帶步隊繞出賊後開礮擊打應聲而  
倒者枕藉賊目蕭曾山丟棄白旗騎馬奔逸行  
營外委劉興隆趕上生擒餘賊紛紛逃竄又見  
東南山梁聚有賊匪二千餘人正欲從上撲下

臣卽率領協領穆克登布等從半山橫抄截擊  
令副將關聯陞繞上賊後大山乘勢下壓並派  
候補知府鄭成基知州阿霖帶兵分於山坳埋  
伏<sub>臣</sub>等進至半山賊匪竟敢放鎗抵禦我兵各  
執攜牌亦卽放鎗搶上並用大礮轟摧擊斃執  
旗賊目一人騎馬穿白衣賊目一人賊招彪白  
旗從左首山梁抄下欲截我兵後路適關聯陞

帶兵已上東南大山卽時壓下施放連環殲賊  
無算餘賊滾入山溝經李紹祖帶兵繞下截殺  
數百人鄭成基阿霖所帶伏兵突出生擒二百  
餘人各股賊匪分投亂竄有向西北山溝者有  
向西南大山者我兵分爲三路追殺二十餘里  
賊匪翻越三層大山直至土門垵聚其敗竄在  
山梁佔踞六十七帶領馬隊趕到搶上仰攻賊

匪復搖旗撲下前鋒叅領佛寧射死執旗賊目

一人臣與富成同時趕到帶兵四路上山兜圍

鎗箭齊發殺賊無數賊卽分向東西亂逃時已

天晚山霧四起暫在山梁紮住詎賊匪於十一

日黎明乘臣等拔營之際分遣黨與四面上山

直撲營盤臣與富成六十七並穆維李紹祖關

聯陞穆克登布等四路迎擊賊匪撲搶數次被

官兵擊殺數百人隨即退逃我兵乘勢追壓賊  
匪尙回身抗拒又經官兵擊殺三百餘人始向  
西北大山內四竄分逃計此兩日內殺賊實有  
二千餘人生擒四百餘名婦女幼孩一百餘名  
口訊據賊曰蕭曾山等供稱本年八月間該犯  
等糾約夥黨一千餘人乘機焚掠並於關廟河  
地方隨同高均德劫過官營戕害官兵多人旋

卽逃至白土關與現在之賊首王廷詔合夥共  
有二萬餘人從白土關獅子壩走到八披梁又  
分兩起一從斑鳩關一從汝河溝昨日纔到雙  
河塘會齊商量要從水淺處偷過漢江從漢中  
前往河南招集夥黨等語當卽凌遲處死其餘  
賊夥分別辦理一面遣人確探賊蹤卽行窮追  
查西北一帶卽係入紫陽石泉之路逼近漢江

已飛咨柯藩嚴密堵剿惟是山內止此一線之路可通臣擬俟行至前途察看道路情形另尋捷徑繞出賊前迎剿

同日英善奏言臣帶兵行抵寧羌該處爲川陝

門戶餉道攸關隨督飭地方官查明最要之麥

子坪八廟河西流河七盤關等處添撥兵勇扼

險防禦以杜賊匪竄逸之路臣卽帶兵馳赴廣

元察看因賊匪前已趨至該縣所屬之木門場  
地方聞甘省官兵前來隨向蒼溪南部一帶奔  
竄並查該縣圓壩場地方先亦有賊百餘人潛  
來窺探該處兵勇奮力擊退殺斃賊匪七名並  
於木門場盤獲奸細盧正登等二名訊據供稱  
係冉文儔差赴廣元探聽餉銀消息並稱王三  
槐徐添德羅其清冉文儔等各有賊匪三四千



名欲赴巴州保寧營山蓬州一帶焚掠等語當  
卽正法梟示查廣元爲入川首站路徑叢雜與  
巴州保寧等處在在可通現值撥川餉銀陸續  
過境賊匪旣生覬覦之心尤應逐段布置嚴加  
防範惟廣元祇有川省派來兵二百名不敷分  
撥現飭隨營之甘肅知府知州督同地方官多  
募精健鄉勇抽撥弁兵管領於緊要各卡防守

其城垣坍塌之處亦經飭令上緊趕修均奏入  
上命軍機大臣傳諭宜綿惠齡英善曰此次惠齡一  
路僅有兵三千餘名而賊匪竟有二萬餘人惠齡  
以少擊衆殺賊二千餘人生擒四百餘名不使賊  
匪偷渡漢江實在可嘉之至惠齡著賞還雙眼花  
翎並加賞嵌寶石玉帶扣玉搬指大小荷包富成  
激勵官兵繞出賊後亦屬出力可嘉前已擢用提

督今再賞玉帶板玉搬指大小荷包六十七穆維  
著各賞綠玉搬指大小荷包外委劉興隆將賊目  
蕭曾山生擒殊爲奮勇著超陞千總將領等俱著  
咨部從優議叙侍衛塔什蘭把總馬濟勝著咨部  
議叙打仗出力兵丁著賞給一月錢糧至英善已  
帶兵前至廣元則漢中寧羗一帶棧道自己寧謐  
稍慰廕懷此時賊匪竄往蒼溪南部一帶宜綿正

可帶兵迎頭堵截英善若緊躡賊蹤兩面夾擊自  
可一鼓成擒

二十六日辛酉宜綿奏言王三槐羅其清等自竄

擾巴州之後卽分股由恩陽河擾至花冲堽一

帶距保寧僅二百餘里經臣飛派朱射斗抽帶

兵勇繞道馳往郡城防守二十八九等日南背

山賊匪折向江口附近之青龍坎蔡子溝等處

焚掠

臣

隨飛派叅將皂常保知州劉清帶領兵

勇分投剿擊殲賊三四百人匪衆遂由頂山場

一帶折竄其恩陽河等處賊匪未能窺伺郡城

遂翻山赴黑石灘一帶滋擾該處逼近蓬州營

山爲文報糧餉後路急需分兵堵剿惟

臣

隨營

打仗兵丁僅八九百名查百祥富爾賽二鎮所

帶之兵尚有二千餘名飛飭探明賊蹤趕往迎

截保護運道並飭劉清將所帶鄉勇留駐江口

以防賊匪折回達州要路

臣

卽移住路通營山

達州渠縣之靜邊寺地方以爲策應二十九日

百祥率兵進抵達州之徐家場卽遇賊匪三四

千人內騎馬者一千餘人百祥督率兵勇奮力

攻擊富爾賽亦倍道前進繞由徐家場右手山

梁從旁衝擊斃賊五六百人並砍死執旗賊目

一名匪衆正形慌亂復有步隊賊匪由巴州一帶衝突前來捨死抗拒連日格鬪殺賊一千餘人我兵陣亡守備鍾德千總白天選周德勝把總丁爾表四員兵勇亦間有傷亡其白岩山一路據舒亮穆克登阿報稱因鴨子坪賊卡路徑窄狹我兵連次攻擊未能得手嗣於二十四日舒亮督率翼長富廉富保副將王承勲等由張

家磨一路穆克登阿同艾如文等由千層岩一  
路烏什哈達率同副將達桑阿等由白甲溪一  
路道員李憲宜知府朱爾漢等由茅店子一路  
同時進攻是日大霧迷漫各路官兵攀藤附葛  
直上鴨子坪賊匪一時驚覺卽率衆拒敵我兵  
刀砍矛刺殲賊無數遊擊朱承茂委署前鋒叅  
領德通等身先士卒拋擲火彈燃燒賊卡匪衆



齊出我兵截殺二三百人遂將頭層木卡攻克  
朱承茂手刃守卡賊目李昌貴並匪黨數名旋  
被賊衆戕害德通及護軍校奇克坦布千總吳  
學義亦因殺賊陣亡我兵隨剿隨進直取白雲  
觀賊巢賊匪情急傾巢出抵將木石下壓我兵  
站立不住徐徐撤退陣亡委署護軍叅領伊林  
保千總黃金榜外委黃洪沛三員兵勇亦有傷

損現復添募鄉勇由西山坪雙河口一帶添拿

營卡另行踣路攻剿

臣

現知會舒亮穆克登阿

等竭力攻圍並令艾如文於雲陽邊界嚴密防

範仍飛飭保興速將河州兵一千名由漢中一

帶兼程來川一俟到營卽當督率各鎮將趕緊

剿捕

宜綽又奏言川省地方幅幘遼濶居民素多兇

悍其川東川北一帶處處與楚陝兩省犬牙相錯是以邪匪滋事以來不獨本省匪徒乘機響應卽楚陝竄匪闖入勾結者亦復不少茲又據署萬縣知縣劉大經稟報湖北利川縣新田壩地方突起賊匪數千闖至該縣青水蕩地方焚掠臣飛飭該令廣募鄉勇設法堵剿至儀隴縣屬响灘子竹山寺等處亦有匪黨二三千人與

王三槐等合夥到處燒搶搜索馬匹

臣

現在督

飭各鎮將趕緊剿辦而林之華一股賊匪經額

勒登保福寧由巫山截剿該匪等暫行遁回建

始復又折入川境擾及奉節縣屬大和坪一帶

業經飭令道員承勲等抽帶兵勇馳往堵截其

明亮等所追賊匪亦逼近太平大寧兩縣邊境

此時川省攻剿機宜處處需人調度卽各路轉

運軍火糧餉亦較他省繁劇

臣蒙

恩兼辦川督事務深恐貽悞地方惟有仰懇

天恩另簡大員料理地方事宜

臣

得親臨前敵專心

辦理軍務再查川省武職各員自提鎮以下大

半帶兵在外其本營事務或係委員兼辦或令

備弁代理刻下又值召募新兵之際訓練需人

懇

勅部臣揀發熟諳營務之叅將二員遊擊四員都司四員守備四員飭令兼程來川以資委用

同日明亮德楞泰奏言賊匪自豐溪前遁後由界嶺鎮坪一路日夜狂奔

臣

等進至界嶺擒獲

留後放火賊匪廖開梅等十七名審訊賊人所向知該匪欲由雞心嶺竄入大寧老木園合縣

臣

竊計雞心嶺之南卽入大寧地界飛飭該處

鄉勇民人速將嶺北路逕一一挖斷使該匪勢

必折回鎮坪得以迎頭截剿遂率官兵趕緊進

發初十日午刻行抵鎮坪隨據探報賊匪已自

雞心嶺折回在黑虎廟地方焚掠臣正在發兵

進攻未刻賊人衝突前來臣等同興肇襄冲阿

率巴圖魯侍衛帶吉林勁旅健銳營兵丁荊州

滿兵隱伏峽口對面山林迎擊派阿哈保溫春

達音泰等分伏峽口左右兩山夾攻賊人蜂擁而至臣等率兵迎頭衝下殺賊甚多賊人勢將却退復有穿紅掛一人飛馬趕上喝令賊衆上前抗拒欲衝向西北一路前竄吉林兵勇氣倍增鎗箭連發該逆落馬墜崖人馬俱斃餘匪反身亂竄又經達音泰等兩路截殺後隊之賊不敢救應前隊之賊不能竄走自未至西斃賊一



千二三百名生擒七十一名餘匪仍向黑虎廟  
逃竄察看賊情非東向西溝一路竄回竹谿卽  
西向甘溝竄至安康紫陽當派侍衛墨爾歡保  
總兵長春副將劉廷基等帶兵赴西溝截剿派  
侍衛阿納保西拉布副將扎爾杭阿等帶兵赴  
甘溝截剿連夜抄道分往並扮爲鄉勇誘賊前  
至十一日已刻賊果奔往西溝直撲鄉勇卡座

墨爾歡保等率兵自卡內躍出奮勇攬殺殺斃  
三四百人賊人敗退卽由西溝竄至甘溝時天  
色將暮該匪欲行遁竄幸派往官兵早已伏列  
路口衝下撲剿斃賊二百餘人賊人敗走是夜  
賊屯金竹壩臣等先因金竹壩西南小樹河一  
路河小水淺可以淌渡派令總兵木騰額協領  
德明泰明保等率吉林官兵撒拉爾回兵馳赴

小樹河及豎旗山扼剿午刻賊人果由金竹壩  
西奔一股撲犯豎旗山兵隊一股向小深河逃  
竄木騰額等率兵分擊該匪退而復上者四次  
經官兵壓剿殲斃及滾山落河者不下五六百  
人至晚賊人退紮小深河西大樹河壩口該處  
兩山壁立河岸偏窄進剿不得地勢不如逼向  
樹河口山溝前後堵剿遂飭西溝甘溝兩路官

兵追逼而進衆兵由樹河口至豎旗山一帶分

段設伏

臣

明亮率同阿哈保等帶兵至石板山

爲一路

臣

德楞泰率同溫春等帶兵至樹河口

爲一路與肇賽冲阿達音泰木騰額長春各帶

官兵在三溪子一帶互爲聯絡十三日寅刻同

時並進辰刻該匪在大樹河埡口經西溝甘溝

兩路官兵追剿前來直向樹河口蜂擁竄突

臣

明亮率兵衝下擊其中堅臣德楞泰迎頭攔截

擊其首隊與肇賽冲阿達音泰等繼進將萬餘  
賊匪截爲五股賊人彼此不能相顧官兵益形  
精銳併力攪殺積屍遍野賊人拋棄器械馬匹  
扒山思遁官兵矢石並進擊墜多賊其滾坡逃  
出者約三千餘人涉水過河竄入箐林者千餘  
人計自初十至十三日斃賊五六千人生擒三

百六十五名婦女幼孩一百八十六名口器械  
無數訊據獲犯僉稱斃斃穿紅褂之賊係大頭  
人張世虎斃斃執旗賊匪係大頭人李潮又刃  
斃偽副帥李得思俱令該犯等指認確鑿至逃  
竄四千餘窮斃之賊已星夜派委鎮將分投搜  
捕<sub>臣</sub>等亦卽日帶兵追剿前進沿途掃蕩務期  
將首逆各犯全獲其生擒各犯發縣審訊實係

習教從逆抗拒官兵者卽行正法其逼脅入夥  
及被擄日淺者分別保釋撫卹官兵連剿四晝  
夜奮勇爭先實爲出力都司趙永成馬良棟把  
總張應彪俱經受傷其陣亡各兵查明咨部議  
卹至姚之富齊王氏等自川省被剿後折竄楚  
省卽分兩股一股進擾興山之後又分數股延  
及南漳保康房縣等處其後合併由竹山竹谿

先竄入陝一股由歸州宜昌遠安宜城襄陽均

州一帶逃竄<sub>臣</sub>等跟蹤兜截亦由竹山竹谿入

陝昨於平利地方其前股賊匪又併入<sub>臣</sub>等所

剿一股之內<sub>臣</sub>等隨時查探其初賊人詭計每

股俱聲言有姚之富齊王氏二犯在內以搖惑

官兵前在宜昌遠安等處獲賊訛據僉供齊王

氏實在<sub>臣</sub>等所剿一股賊內近日獲賊多人逐



加研訊則云齊王氏自在均州茨河吳家灣等處連被官兵剿殺該犯不敢率衆迎敵躲避官兵日前竄及安康邊界時三股賊匪相離不遠該氏卽乘間逃往惠齡等所剿一股賊內而姚之富一犯僉供並不見其人<sub>臣</sub>等屢遣親信弁兵確實查探亦與賊供相同想係變易姓名與齊王氏定在一處至<sub>臣</sub>等所剿股內首逆疊次

探聽并揭取該犯等所貼惑民說帖內係張漢潮張世虎張世龍李潮詹世爵阮學明等六人爲首均係襄陽人與已經就獲之劉啟榮等同時起事分管四營僞稱元帥其先竄入白河近日前來合併者則係高王春王廷詔爲首現在張世虎李潮二犯俱已殲滅其在逃之張漢潮等勢皆窮蹙查匪衆遁走者約四千餘人此內

婦女幼孩不願相隨者尙多臣等先已仰遵

聖訓到處曉諭近日被脅民人來營投首之金國美

吳天叙等數百人臣委道府訊明卽經省釋并

飭交道員溫承惠逐加賞卹令其回籍安業房

屋被燒者酌給屋價其無依之婦女就近交紳

士領回擇配俾有所歸至行軍之際臣等出示

曉諭買賣貨物俱照價發給如有強買減價者

卽許扭送立即處治或有在田菜蔬包穀草束  
經兵丁採取者必先傳業主倍給價值是以  
大兵所到之處民人皆負斗米隻雞來營犒師  
亦俱厚賞而去民情極爲安貼其有棍徒混充  
夫役恐嚇良民訛搶食物者曾經查出馬榮范  
正潤等六犯當卽傳齊各夫役買賣人等將該  
犯限同正法現在兵民羣皆畏服沿途甚屬安

靜再

臣

等前次所追賊匪竄至陝楚川交界地

方處處崇山小道兵丁易致擁擠是以咨會景

安酌令後起索倫官兵及續到山東等省漢兵

暫於竹谿之保豐場紮住今賊匪已翻山竄走

計恐逃向紫陽一帶則保豐場已可毋庸堵禦

而紫陽等處又爲緊要已飛咨烏爾圖那遜等

卽帶兵馳赴紫陽迎截並派溫春墨爾歡保鄂

爾綏往迎照料前進又此次賽冲阿帶來吉材  
滿兵烏鎗弓箭各五百名屢次打仗奮勉倍常  
其健銳營荊州滿兵暨各省綠營兵士練瓦司  
撤拉爾田子等共知觀法實屬出力

同日恒瑞慶成奏言

臣

等帶原兵三千餘名并

新到直隸兵五百名馳往漢中一帶截剿前於  
十四日行抵興安查漢中府屬地方爲漢江上

游水勢淺窄在在易渡城固洋縣寧羗皆爲自  
川入陝之路現聞明亮德楞泰所剿竄匪已由  
平利地方向南奔竄漸近川省邊界惠齡所追  
一股由紫陽向西鄉一帶竄逸離漢中城固等  
處亦不甚遠沿江北岸現有柯藩督兵堵禦

臣

等帶兵星夜馳往確探賊蹤相度截剿均奏入  
上命軍機大臣傳諭宜綿明亮德楞泰惠齡恒瑞慶

成曰此次宜綿等各路殲斃賊匪自三四百名至千餘不等亦不爲多而兵力本單所辦尙不遺餘力此時由巴州竄往保寧之賊折向蓬州營山有百祥富爾賽在彼截剿運道可保無虞其奉節北岸賊匪欲與白岩山賊匪合夥宜綿已知會舒亮等奮力攻圍毋使乘間竄逸並令艾如文嚴密防範籌辦亦屬周到保興前已帶兵馳赴保寧而英



善亦抵廣元均可與宜綿等分投剿賊且恒瑞慶  
成又從漢中而來宜綿等務須確探賊蹤設法迎  
截將賊首速行擒獲所有在徐家塲白岩山打仗  
陣亡之遊擊朱承茂守備鍾德等均著咨部加等  
議卹至摺內所稱湖北利川及四川儀隴地方亦  
有新起賊匪焚掠萬縣等處一節此等賊匪係前  
此利川恩施等處剿辦未淨及額勒登保等一路

追剿竄入零星之賊若首逆一擒無難立時撲滅  
宜綿務須持以鎮定不可心忙意亂以致漫無把  
握至宜綿因軍務緊要恐日久貽悞懇請簡員辦  
理地方事件所奏具見實心宜綿究形年邁已令  
勒保馳驛赴川總統軍務但宜綿不可因此稍存  
觀望若能赴勒保未到之前將首逆擒獲仍屬宜  
綿之功俟勒保到川交代軍務後宜綿再專辦地

方軍需各要件其剿辦姚之富等一路係責成明亮德楞泰二人儻因總統更換心存懈弛致有遷延則是全無天良必將伊等從重治罪又據明亮等奏到官兵圍逼竄匪情形此次殲賊共五六千人生擒三百餘名並擊斃頭人張世虎等三名所辦實好明亮德楞泰著各賞給鑲嵌寶石白玉帶板大小荷包與筆賽冲阿阿哈保達音泰木騰額

長春溫春著各賞給玉搬指大小荷包但姚之富  
李全齊王氏尙未擒獲一人不足爲喜此時賊匪  
逃竄者尙有四千餘人明亮等正當乘此勝勢帶  
領勁兵併力兜圍勿任他逸爲要看來此股賊匪  
非歸入惠齡等所剿紫陽石泉一帶賊內卽思竄  
入川境大寧太平一路卽賊供不見姚之富之語  
殊不可信安知其不變易姓名或仍在此四千賊

內故爾指東說西使官兵無從探蹤跟獲不可竟以張漢潮等六犯爲賊首而轉置正逆於不問再前據明亮等奏令黑龍江官兵暫留竹谿之保豐場駐紮朕卽以其將有用勁兵置之無用之地所辦殊爲非計早有旨令烏爾圖那遜等帶領迅往軍營若待伊奏明知會豈非緩不濟急且明亮等此次剿賊得勝若再有此項黑龍江勁兵在彼併

力兜圍必能盡殲賊衆又豈至逃出四千餘人明  
亮等接到前旨寧不信加心服耶所有打仗出力  
受傷之部司趙永成馬良棟把總張應彪俱著以  
應陞之缺陞用又恒瑞慶成奏馳往漢中一帶應  
援現在惠齡在紫陽石泉一帶剿賊恒瑞等途中  
是否迎遇惠齡擊敗之賊務須迅速行走抵川省  
會剿至宜綿所請各營員已令該部揀選引見再

行發往

上又命軍機大臣傳諭勒保額勒登保福寧曰據宜  
綸奏現在剿捕賊匪處處需人調度請另簡大員  
料理地方事宜以便專心辦理軍務鄂輝現已抵  
黔著勒保交代後卽由駟馳赴川省總統軍務但  
勒保此時輕騎減從並無隨帶之兵經由秀山一  
帶與開萬等處附近該處現有新起之賊勒保沿

途行走務須倍加慎重不可大意現在額勒登保等在恩施一帶剿賊如勒保不能順道繞赴恩施卽於途次飛咨額勒登保等倘該處賊匪業經剿淨卽約會一同赴川若尙未蕆事該處一路現有兵八九千名額勒登保等卽酌分一二千名交勒保帶領前赴川省該督馳抵軍營後惟當督率將領官兵大示懲創俾知儆懼不可稍存姑息之念



如有觀望逗遛情弊卽當據實叅奏

上諭內閣曰據明亮奏此次剿捕出力之吉林官員  
單內佐領扎克丹保著賞給法克晉巴圖魯名號  
照例賞銀一百兩協領德楞太佐領穆騰額著賞  
戴花翎驍騎校巴彥保達春明德驍騎校銜倉官  
永和均著賞戴藍翎以示鼓勵

同日倭什布奏言各路大兵雲集陝省興安一

帶食用浩繁現在將次出境而隨時應付未便  
稍分畛域且豫省所調之官兵五千名亦往迎  
剿所有各項夫役人等隨地買食零星使用俱  
以錢文爲便查陝省邊界各屬盡係山陬僻壤  
當賊匪奔竄之際商賈率皆裹足勢必錢價增  
昂艱於易換查前次賊匪經過商屬一帶經商  
州等處請發過寶陝局錢二千串不等今與

安地方需用倍多自應速爲調劑

臣

已稟明督

撫臣將陝局鑄存錢文動撥一萬串委員運交  
興安軍營分給各屬支發夫役口食等項至所  
撥錢文應俟事竣核實造報並在於鼓鑄案內  
作正開銷仍照例每錢一串作銀一兩在於軍  
需項下提還錢本歸欵奏入報